

FERSUN NANGA HOWPU




Les 9 fu 28 Febrewari 2026

2 Kor.5:21


"A meki en tron sondu
gi wi,en di no ben
sabi sondu;dati wi
tron rekfardek na
Gado ini en."





Baka di a poti dati a kroisi fu Krestes fersun Heimel nanga grontapu(Kol. 1:20), Pawles e go doro fu meki wi ferstan san dati sa tya ini a aladei libi nanga a fersun disi.

Fa disi frander wi ? Fa Gado si ala disi na fesi ? San wi kan du fu yepi trawan fu teki prati ini a fetsun fu teki a howpu?



FERSUN NANGA HOWPU TANGI FU A BUN NYUNSU

San fersun e tya

Ogriwan tron
santawan
(Kol. 1:21,22)

Tnapu steifi
e'n stanfaste
(Kol.1:23)

Howpu

Tyari howpu
(Kol.1:24,25)

A dipi koni fu
Gado
(Kol.1:26,27)

A krakti fu a bun
nyunsu

Brotyas a
bun nyunsu
(Kol.1:28,29)

SAN FERSUN E TYA

OGRIWAN TRON SANTAWAN

"Yu di ben de freimde(wakaman) bifo, feiyanti ini yu denki, fu den takru wroko fu yu, toko now yu fersun ini a skin fu En tangi fu dede, fu sori yusrefi santa, sondro fowtu ,sondra sma sori wan finga na En fesi -." (Kol. 1:21,22)

A sani no muilek. Wi ben libi fu du ogri, datmeki wi strafu ben de te'go dede.(Roma 6:23; Kon krin 21:8).



A dede na a kroisi fu pai a paiman fu wi sondu.(Roma 5:8)

Fu wi srefi wi no man kenki a setewasi noso pai fu wi kisi sargi libi.(Singi 49:7,8).

Tangi fu bribi, drai libi nanga dopu ,wi fri fu wi sondu, sobu wi no abi flaka, wi de sondro fowtu na Gado fesi(wi bun) (Roma 5:10;Kol.1:22)



Ma Gado ben abi wan bigi denki di a seti gi wi:



Tangi fu a wroko fu a Santa Yeye wi libi e frander safri safri, fu kon santa na Gado fesi (Santa fasi) (Roma 8:1,2 ; 2 Kor.5:17)

TNAPU STEIFI E'N STANFASTE

"efu yu tan ini a bribi,tnapu steifi e'n stanfaste, e'n yu no dribi kmoto fu a howpu fu a bun nyunsu di yu yere" (Kol. 1:23a)

Wi ben de rekfardek kaba, ma a waka no klari ete. Wi kan lasi a pasi e'n no doro a marki. Datmeki Pawles e gi wi a rai na dri sani.(Kol. 1:23a):



Go doro ini a bribi



Tan hori, leki Peitres baka di den lusu en na dungru oso, a naki na a doro teleki den opo gi en. (Bosk. 12:11-16)

Tan steifi



Wi bribi mus de tranga. Steifi tapu san tru ini a Wortu.

Stanfaste




Wi no musu dege dege,noiti wi mus tapu fu fertrow ini" a howpu fu a bun nyunsu"

HOWPU

The image features a vibrant green background with a complex, abstract geometric pattern. The pattern consists of numerous overlapping, angular planes and surfaces that create a sense of depth and movement, resembling a stylized architectural structure or a series of stacked, tilted blocks. The lighting is dramatic, with bright highlights on the upper surfaces and deep shadows in the recessed areas, emphasizing the three-dimensional quality of the design. In the upper left portion of the image, the word "HOWPU" is displayed in a large, bold, white, sans-serif font. The text is contained within a dark green rectangular box with rounded corners, which has a subtle white glow or shadow effect around its edges, making it stand out from the busy background.


TYARI HOWPU

"Mi tron wan domri fu disi, soleki a wroko di mi kisi fu Gado fu sorgu yu, fu meki a Wortu fu Gado kon tru." (Kol. 1:25)



Leki fa wi si, a denki fu Gado fu gi wi a sargi libi ben abi leki fundamenti a dede fu Yeises, dati wani fu taki, wi rekfardek fasi nanga wi santa fasi ben kan de so tru. Ma wan prenspari sani ben misi, wi musu fu sabi a denki disi fu wi kan teki en. Wi abi wan sma fanowdu fu meki a kon krin gi wi.

Drape "a wroko fu Gado" e kon na mindri, sobu [a fasi fa Gado e meki sma denki nanga sani di e psa], e'n fu dati Pawles ben de wan domri.(Kol.1:25).



Pawles ben breiti dati a ben kan de ini a denki disi, ala di a ben tya pina nanga problema.(Kol. 1:24). Sensi a ten di skowtu grabu en ini Roma teleki a dede,a skrifi no moro minder leki seibi fu den tin na fo brifi di de ini a Nyun Testamenti.

Pawles ben de prenspari ini a denki fu Gado, e'n a ben breiti nanga dati. Owktu wi kan de ini a denki disi, te wi tya trawan kon ini a sabi fu Krestes. Dat' na wi prisiri!



A DIPI KONI FU GADO

"a dipi koni di ben kibri someni hondro yari,e'n someni lo, ma now a kon krin gi den santa wan fu En." (Kol. 1:26)

Pawles e taki fu wan dipi koni di kon krin gi a kerki, baka di Krestes opo baka.(Kol. 1:26) Teleki a ten dati na soso pikinso nomo wi ben kan si. Ma san ben de a dipi koni disi ? " Krestes ini yu, a howpu fu glori" (Kol. 1:27).




A ben seti bifo a fundamentu fu grontapu.(1 Peit.1:20)



Wan pikinso ben go na yesi fu den bun yeye. (1 Peit.1:12)



A fosi pikin faya Adam nanga Eifa ben kisi. (Gein.3:15)



A ben kon krin gi den profeitiman (1 Peit. 1:10,11)




Yeises meki a kon krin fosi gi den Dyu (Mat.15:24)



Baka dati a krin hondro pro senti gi ala sma (Kol. 1:27)


Wan tu trapu de ini a dipi denki disi , di musu krin ete. Now wi e libi na ini a howpu fu kisi glori,wan bigi okasi ! So wan dipi koni ! Sondu sma e kon rekfardek, kon santa , kisi glori tangi fu a brudu fu Yeises di e ferlusu. A dipi koni disi sa tan wan sani fu stuka fu te'go.



**A KRAKTI FU A BUN
NYUNSU**

BROTYAS A BUN NYUNSU

"Na En wi e preiki, fu warskow alaman,owktu wi e leri ala sma nanga ala koni,dati wi kan tya ala sma perfekti ini Krestes Yeises." (Kol.1:28)



Fa Pawles preiki a bun nyunsu ? A prenspari sani ben de Yeises di hanga na a kroisi(1 Kor.1:23) Te den sma ben teki Yeises a warskow den, a leri den teleki den ben de perfekti (Kol.1:28,29) Fa a do disi?



A meki den sabi san den Kresten e leri e'n du (2 Tes.2:15)

A warskow den fu san sa miti den te den drai baka gi a bun nyunsu.(Hebrei 10:25-29)

A warskow den fu a ogri fu den falsi leriman(Bosk. 20:29,30)



Wakti pikinso ... meki den perfekti ? No wan tu nomo..." ala man" ! (Kol.1:28b).

A Griki wortu di den mek tron “ bigi sma”(teleios) wan taki perfekti sondo wan kron. Tangi fu a fasi fa a Kresten e gro, wi kan si krin e'n firi a dipi fu a kebot fu Gado nanga san a wani. Wi marki fu dat ede na fu kon perfekti ini Krestes Yeises.

“Te wi luku na a Ferlusuman na a kroisi, wi e ferstan moro bun a bigi nanga a meine fu a ofrandi di a Kownu fu heimel tya. A denki fu a seigi libi e tron wan glori na wi fesi,e'n a denki fu Kalfaria e wiki libi nanga santa firi ini wi ati. Wi mofo buba nanga wi ati sa furu nanga prijs ;fu di heimemre nanga a dini fu wi srefi no sa man gi bromtyi ini a sili di e hori den prakseri fu san a si na Kalfaria fers fers ini en ede.”